

# SAN JUAN KARTA NYAFXTEWE'SX

## İtxi kaafxiz'e'jwa'jsa vxyaani

**1** <sup>1</sup>Nyafxiitey üsyā'kh yu' txā'sna kaajiyu'jna fxi'jaçthu i'kwe'sxtxi. Kwe'sxa' iiwēse'tha'w sa' kwe'sx yafxju yuu iuuytha'w. İ'neecxáa uymée, kwe'sx kusejuwa iijxa'dxtha'w Dxus Nçxi'k İtxi kaafxiz'e'jwa'jsa's. <sup>2</sup>İtxi kaafxiz'e'jwa'jsa' vxyaak, aç'a uyçxa' txāa vxyaani's kwe'sxa' pta'sxi'tha'w. Txāasatha'w açxha' i'kwe'sxtxiwa kaajiyu'ju', bagaçxte yuhwa pçumée İtxi kaafxiz'e'jwa'jsa Ney yakh üssa kwe'sxtxi vxyaapa'ga. <sup>3</sup>Kwe'sx wēse'lçxa yafxjuwa uyni's äate pta'sxiçtha'w, i'kwe'sxwa kwe'sx yakh utxaaçxa fxi'zekahn, kwe'sxwa ma'wētkā'w Dxus kwe'sx Tata yakh vxite' Nçxi'k Jesukristo yakh utxaaçxa fxi'ze' txā'wēy. <sup>4</sup>Txā'wētha'w kaajiyu'jna fxi'ja', i'kwe'sxwa weçxana fxi'zewa'ja's j'i'phukahñ.

## Dxusa' eena'sa'

<sup>5</sup>Jesukristo na'wēk kaapiya'j txā'sna i'kwe'sxtxi pta'sxiçtha'w: Dxusa' eena'sa'. Txāa pa'ga txajx tasxte' kīh yuhwa çxhi'dxsa meea' jī'k. <sup>6</sup>Aça' maawa Dxus yakh fxi'zena üsthu jīçxawa, Dxus jxkaahni's nwēese'jmée çxhi'dxte fxi'zeçxa', İsxiisa yuuna. <sup>7</sup>Nawa Dxuswa ma'wē eena'te üsna txā'wēy kwe'sxwa eena'te fxi'zete', kwe'sx pwe'sx puutx puiimée zhiçxkwe fxi'zewa'j kasejena, aç'a' Dxus Nçxi'k Jesukristo eea' kwe'sx pkaltxi jxuka khukhuna.

<sup>8</sup>Txā'ljite', kīh pkal yuhwa j'i'phmeetha'w jīwá'nja'w na' peekiçxáa ya'İsxiisa yu'nja'w. <sup>9</sup>Nawa txā'wē yajkxmée, pkalsayuhth sūhna Dxusa's perdon pēyi'nja'w aç'a' txā'wē yūusa's kim yuhnawa wa'lmée jxuka kxtey peltunāyçxa ewmeesa's jxuka nuyaateena. <sup>10</sup>Txā'ljite' kīh yuhwa ewmée yūusameetha'w jī'nja'w na' Dxus we'weçxa': Ewmeesata' jīçxa' İsxiija'k jīsa yu'nja'w.

## Dxus tasxte kwe'sx ju'gu we'we pu'çxsa' Kristo'

**2** <sup>1</sup>Adx luuçxwe'sx, pkalte fxi'zekahmenthu pta'sxna fxi'ja'. Txā'wētewa maafí yu' pkalte wetewá'kwe nawa Dxus tasxte kwe'sx

ju'gu we'we pu'çxsa ji'ptha'w, txã' Jesukristo' isasa yu's jxuka kxtey yuusáa. <sup>2</sup>Jesukristok kwe'sx pkal pa'gate vxite! naa kiwete nasa jxukaysa pkal pa'gate yã'lçxa ya'dukhçxa uu.

<sup>3</sup>Dxus jxkaahnitxi's kxtey yuuna fxi'zeçxa yuuçxáa Dxusa's jiiyuhth sũhwa'ja's ya'ji'phuna. <sup>4</sup>Nawa maafí yu' Dxusa's jiith jĩwáana nawa txajx jxkaahnitx kxtey nwẽese'jsame' txã' ísxiisa yuuna. <sup>5</sup>Maawa Dxus jxkaahnitx kxtey nwẽese'jena txã' Dxus peeygãani's ũuste jxuka ji'phsaçxa txã'wẽ yuuna. Txã'wẽ yuuçxáa Dxus yakh fxi'zena ũsne'tka'w sũhwa'ja's ya'ji'phuna. <sup>6</sup>Dxus yakh fxi'zena ũsthu jĩsa', Jesukristo na'wẽy kĩh pkal yuhwa ji'phmée fxi'zena.

### Dxus jxkaahni u'sesa

<sup>7</sup>Adx peeygãanisawe'sx, i'kwe'sxtxi' Dxus jxkaahni u'sesa pta'sxna fxi'jaçmeeth, Dxus jxkaahni nyafxíi pta'sxte iiwẽse'jyã'ji'kwe txãafiçxá'. <sup>8</sup>Txã'wẽçxawa na'wẽ nyafxíi jxkaahni's kaayaki'jna fxi'jaçthu txã' u'sesa na'wẽ yuh kaseje'k. Txajíiçxáa i'kwe'sxa' Kristo's ũusuh jxuka peeygãhçxa', i'kwe'sx pwe'sxwa txã'wẽy yũuna fxi'zeçi'kwe. Txãa pa'ga açha' skhẽuuç'a' jxpubana çxhi'dxte fxi'zenisa', aç'a' jxpubamée fxi'zeni eena'sa vxyaça'.

<sup>9</sup>Maafí' jxpubamée eena'te ũsthu jĩçxawa txajx yakthhẽ'ja's açena, txã' jxpubana çxhi'dxte fxi'zesaçxa txã'wẽ yuuna. <sup>10</sup>Jxpubamée eena'te fxi'zesa' txajx yakthhẽ'ja's ahçemée peeygãhna fxi'zena, kĩh yuhwa pkalte kweete'jwa'j yu'sa' vxitmée. <sup>11</sup>Nawa txajx yakthhẽ'ja's ahçena fxi'zesa' çxhi'dxte uyya' ãjamée mtee pa'ljwa'ja's yuuwa jiiimée jxpubana fxi'zesaçxa txã'wẽ yuuna.

<sup>12</sup>Adx luuçxwe'sx, i'kwe'sx pkala' peltunãynitx yuu Jesukristo uute', txãa pa'gath fxi'ja'. <sup>13</sup>Txã'wẽy thẽ'jsawe'sx, i'kwe'sxa' na'wẽ nyafxíi entey Jesukristo' ũsyã'kh yu' txã'sna jiyupa'gath fxi'ja'. Sa' piçtakxwe'sx, eçxthẽ'ja's knayi'kwe txãa pa'gath fxi'ja'.

Adx luuçxwe'sx, Dxusa's jiyui'kwe txãa pa'gath fxi'ja'. <sup>14</sup>Thẽ'jsawe'sx, na'wẽ nyafxíi entey Jesukristo' ũsyã'kh yu' txã'sna jiyupa'gath fxi'ja'. Sa' piçtakxwe'sx, Dxus pta'sxni's ũuste yu'akhçxa eçxthẽ'ja's ũukhmée knayi'kwe txãa pa'gath fxi'ja'.

<sup>15</sup>Åçha' kxazsay mpa'yajkxwe, naa kiwetewe'sxa's yajkxya'mée. Maawa naa kiwetewe'sxa's yaakxsa' Dxusa's yaakxsameeçxa txã'wẽ yuuna. <sup>16</sup>Txãa pa'gatey naa kiwete' na'wẽ yaakxnisaçxáa ũsta': naa kakwe' kazx yũuna fxi'zeni, yafxju uyçxa kazx ũus yaakxni, kĩhwa ji'phçxa' iiwejçx iiwejçx yajkxna fxi'zenisaçxáa ũsta'. Txã'wẽ ewmeesa yuuçxá'sku naa kiwe' ũsu', aç'a' txã'wẽsa' Dxus jxthãasnisame'. <sup>17</sup>Naa kiwete txã'wẽ yũuwa'lçxáana yajkxna fxi'zesa' jxuka pçuwa'jsata' petx naa kiwe yã'lçxa. Nawa Dxus jxthãasniçxá's kxtey yuusa', bagaçxte yuhwa pçumée itxi fxi'zewa'ja's ji'phutxna.

**Dxus Espiritu' kaajiyu'ju'k maa ĩsxiinisatewa, txā'wēy maa isasatewa**

<sup>18</sup> Adx luuḵwe'sx, aḵḵha' nmeh en ājk. I'kwe'sxa' iiwēse'jne'kwe Kristo's aḵesa pa'jana jini's. Txāasa aḵḵha' wala kuh ũsta' Kristo's aḵesa. Txāa pa'gatha'w jiyu' nmeh en yuuḵtewa. <sup>19</sup> Txāawe'sxa' kwe'sx yakh ũswa'jsamée ne'ta yu', txāasatx kwe'sx ksxavxyuh kaseh. Kwe'sx yakh ũswa'jsawaḵa', txuteewa'jmée ne'ta yu'. Jxukay yu' kwe'sx yakh fxi'zewa'jsameetxna, txāasatx txā'wē txutee.

<sup>20</sup> Nawa i'kwe'sxa' Dxus Espiritu's ũuste ji'phi'kwe, txāasa maa isasatewa txā'sa' jxpubawa'jsamée i'kwe. <sup>21</sup> I'kwe'sxa' isasa's jxpubawa'jsamée i'kwe naa pa'gafiḵxáath fxi'ja', peekx jii i'kwe ĩsxiinisa' bagaḵxte yuhwa isa kaseje'ḵme'.

<sup>22</sup> ¿Kim txā'wē ĩsxiisa yuukx? Jesusa' Dxus kaahnisame' jina we'wesa txā'wē ĩsxiisa yuuna. Txā'wē we'wesa' Dxus Nḵxi'knawa jxpa'gamée yā'jḵxa', Neynawa jxpa'gasameeḵxa txā'wē yuuna. <sup>23</sup> Maawa Dxus Nḵxi'ka's aḵesa', Neynawa aḵesa yuuna. Nawa Dxus Nḵxi'ka's jxpa'gasa', Neynawa jxpa'gasa yuuna.

<sup>24</sup> Txajii nyafxi' pta'sxni Dxus yuwe isasa's i'kwe'sx ũuste ew mjxaawwe. Txā'wē yūuḵxa' Dxus Nḵxi'k yakh txutemée fxi'zene'kwe, sa' Ney yakhwa txā'wēy txutesamée yuune'kwe. <sup>25</sup> Aḵa' txā'wē yūusatxi' Jesukristo' peesya' neeyūuk bagaḵxte yuhwa pḵumée itxi fxi'zewa'ja's.

<sup>26</sup> I'kwe'sxtxi maawa kaypuba'jwe'sxteth pta'sxi' jxpa'yakxkahn. <sup>27</sup> Nawa i'kwe'sxa' Dxus Espiritu's ũuste ji'phi'kwe na' maa ĩsxiinisana aḵa' vxite' maa isasatewa thēymée jiyune'kwe, txāa pa'gatey Dxus Espiritu' kihtewa jxukak kaajiyu'ju', sa' txajx kaapiya'jni' ĩsxiinisameeta'. Txā'wē jiyuḵxa', Kristo yakh txutemée fxi'zene'kwe.

<sup>28</sup> Adx luuḵwe'sx, aḵḵha' Kristo yakh txutemée mfxi'zewe. Txā'wē fxi'zeḵxa', thaamemée weḵxana jxpa'ga'nja'w Kristo' naa kiwete kiḵḵxa vxyaatewa. <sup>29</sup> I'kwe'sxa' jiiyā'ji'kwe Jesukristo' kihtewa jxuka ew yūusaatewa, aḵa' maawa txāa na'wēy kihtewa jxuka ew yūuna fxi'zeḵxa', Dxus luuḵḵxa txā'wē yuuna.

### **Kwe'sxa' Dxus luuḵx yā'tha'w**

**3** <sup>1</sup> Dxus peeygāani' seena' yuh wala' txā'sna miijajkxwe. Txā'wēḵxaíik adx luuḵwe'sx jina kxsusu' kwe'sxtxi'. Aḵa' kwe'sxa' txajx luuḵx yuhtha'w. Txāa pa'gatx naa kiwetewe'sxa' kwe'sxtxi' jiyu'ḵmée, Dxusa's jiimeeta' naa pa'ga. <sup>2</sup> Adx peeygāanisawe'sx, kwe'sxa' Dxus luuḵx yā'tha'w. Nawa Kristo kihte', ma'wē seena' zhiḵxkwe neeyūuwa'jsa ne'tka'w txāa yu'sa' ũus yajkḵḵxa kpajkxya' yu' āja'ḵmeetha'w. Nawa Jesukristo vxyaate', txāa ma'wēsate' weh yuhwa fxiymée txāa na'wēy neeyūuwa'j yu'sa' jiitha'w. <sup>3</sup> Aḵa' maawa txāa na'wēy yuu wēesa' pkal ji'phmée fxi'zena, Jesukristowa ma'wē kiḵ pkal yuhwa ji'phmeesana txā'wēy.

<sup>4</sup>Maawa pkalte fxi'zesa' Dxus jxkaahnitx nwëese'lmée ũsçxa txã'wë yuuna, açá' Dxus jxkaahnitx kxtey yuumée ũsni' pkal íçxá'. <sup>5</sup>I'kwe'sxa' jii i'kwe Jesukristo' kwe'sx pkaltxi txuhdeya'k naa kiwete kîh, nawa txãa yu' kîh pkal yuhwa ji'phmeesak yu'. <sup>6</sup>Txãa pa'ga maawa Jesukristo' yakh fxi'zesa' pkalte fxi'ze'çme'. Açá' maawa pkalte fxi'zesa' Jesukristo's iuiymeena, sa' txãa ma'wësatewa jiimeesaçxa txã'wë yuuna. <sup>7</sup>Adx luuçxwe'sx, mpa'yajkxwe, i'kwe'sxtxi maawa kaypuba'jwe'sxte. Jesukristo' na'wëy ew yũuna fxi'zesa' yuuçxáa, ewsa yuuna. <sup>8</sup>Nawa pkalte fxi'zesa' eçxthê'j yakh ũssaçxa txã'wë yuuna, txãa pa'gategy eçxthê'ja' nyafxiitey pkalsak yu'. Txajíçxáak Dxus Nçxi'ka' eçxthê'j mjiiini's ivxiituya' kîh naa kiwete.

<sup>9</sup>Dxus luuçxa' maa yuhwa pkalte fxi'ze'çmeeta', txãa pa'gategy txãawe'sx ũusa's Dxus yu'pthehçxa nvxiitnisata' naa pa'ga. Txãasa pkalte fxi'zewa'jsameeta' Dxus luuçx yã'ja'. <sup>10</sup>Txãa pa'gak ya'jiyu' maa Dxus luuçxtewa. Sa' maa txã'wë eçxthê'j luuçxtxiwa ya'jiyu'k: Maawa ewmeeçxáa yũuna txajx yakhthê'jwe'sxtxi ahçena fxi'zesa' txãawe'sxa' Dxus luuçx meeta'.

#### **Teeçxsa na'wëçxah puutx ya'peeygãhna fxi'zewa'ja'**

<sup>11</sup>I'kwe'sxa' Kristo kaapiya'jni's iiwëse'jne'kwe txã' na'wëk yu': Teeçxsa na'wëçxah puutx ya'peeygãhna fxi'zewa'j yu'. <sup>12</sup>Eçxthê'j yakh ũssa Kaina' txajx nyakha's ikhku, nawa kwe'sxa' txãa na'wëy yuuwa'jsameetha'w. ¿Kîh yuutega ikh wakx? Kain mjiiini' ewmeek yu', açá' nyakh mjiiini' ewsak yu' txãa pa'ga yuuçxáak ikh.

<sup>13</sup>Adx yakhthê'jwe'sx, kuh yaakxnuwe naa kiwetewe'sx ahçetewa. <sup>14</sup>Txãa pa'gategy kwe'sxa' vxituwa'ju kasehçxa bagaçxte yuhwa pçumée ïtxi fxi'zewa'the pa'lsatha'w, txãasa íçxáatha'w yakhthê'jwe'sxtxi peeygãja'. Nawa maawa txajx yakhthê'ja's peeygãasame', txãa vxituwa'ju kasehsameeçxa txã'wë yuuna. <sup>15</sup>Maawa txãawe'sx yakhthê'jwe'sxtxi ahçena fxi'zesa', nasa's ikhsa na'wëysa íçxá'. Açá' i'kwe'sxa' jii i'kwe nasaa ikhsa' kim yuhwa pçumée ïtxi fxi'zewa'ja's ji'phumeetxna. <sup>16</sup>Jesukristo' kwe'sxtxi peeygãhçxa nwe'weya' txajx ïtxi fxi'zeni's ivxiituk. Txãa txã'wë peeygãani yaase'. Açá' kwe'sxwa txã'wëy kwe'sx yakhthê'jtx peeygãhçxa kwe'sx ïtxi fxi'zeni's ivxiituwa'j ji'ptha'w. <sup>17</sup>Nawa kwe'sx yakhthê'j peejiiina ũste uyçxawa kîhçxáawa iijxtxuhdemeçxa', çma'wë Dxus peeygãani's kwe'sx ũste ji'ptha'w jïya' ájakxtha'w? <sup>18</sup>Adx luuçxwe'sx, kwe'sx peeygãani' yuwejuçxáa peeygãa we'wewa'jme'. Isa peeygãjaççxa', áate kaavxya'ja'jwa'ja' kîhçxáawa pu'çxna.

#### **Kwe'sx ũuste ewçxáa ũusutheçxa', Dxus dxi'pte jxpubamée ũste txã'wë yuuna**

<sup>19</sup>Txã'wë yũuçxa', isa Dxus luuçççxa txã'wë yu'nja'w, sa' Dxus dxi'ptewa jxpubamée ũsne'tka'w sũhwa'ja's ji'phu'nja'w. <sup>20</sup>Nawa

kĩhteçxáawa jxpubaaçte', kwe'sx ũusçxáa yuhwa kaayaki'ji'k açá' Dxusa' kwe'sx ũuste jxthaakwe ew jiisa' açá' txajx dxi'pte ĩsxiya' ajame'nja'w. <sup>21</sup> Adx peeygāanisawe'sx, kwe'sx ũuste ewçxáa ũusuthena açá' Dxusa' pasuna sũhçxa <sup>22</sup> Dxusa's pēyi'nja'w açá' txā' jxuka ũsuna txajx jxkaahnitx nwēese'jçxa Dxus jxthāasni's kxtey yuuna fxi'zesatxi'. <sup>23</sup> Dxusa' na'wē yūuwa'ja'sku jxkaaja': txajx Nçxi'k Jesukristo's ũuste jxpa'gaçxa, teeçxsa na'wēçxah puutx ya'peeygāhnak fxi'zekaah. <sup>24</sup> Dxus jxkaahnitx nwēese'jsa' Dxus yakh fxi'zesa yuuna, açá' Dxuswa txāawe'sx yakh fxi'zena. Dxusa' kwe'sxtxi txajx Espiritu's peesku, txāa pa'ga kwe'sxa' jiitha'w Dxusa' kwe'sx yakh ũsawa'jsatewa.

### Dxus Espiritu's ji'phsa vxite' Kristo's açewa'j espiritu's ji'phsa

**4** <sup>1</sup> Adx peeygāanisawe'sx mpa'yajkxwe, txā'wē Dxus Espiritu's ji'ptha'w jīsaxi' txā'wē yuhtxna sũhmée mfxi'zewe. Txā'jīsaxi' ew jiyuwa'ja' Dxus Espiritu's ũuste ji'phdxihetewa jiyuya'. Txā'wēme' naa kiwete iiméh wala penaçta' Dxus yuwe pta'sxsatha'w jīna ĩsxiina u'jusa. <sup>2</sup> Na'jīsaxáa Dxus Espiritu's ũuste ji'phsa yuuna: Dxus Nçxi'k Jesukristo' kwe'sx na'wēy nasaa yuuççak vxyaa jīsa yuuççáa isa we'wesa yuuna. <sup>3</sup> Açá' Jesusa' kwe'sx na'wēy nasaa yuuççak vxyaa jīsame', txā' Dxus Espiritu's ũuste ji'phmeena, wejxwa Kristo's açesa yuuna. I'kwe'sxa' iiwēse'jne'kwe txā'jīna we'wesa pa'jatxna jīni's. Txāasa ũsyā'tha' naa kiwete.

<sup>4</sup> Adx peeygāanisawe'sx, i'kwe'sxa' Dxus luuçxi'kwe, txāasai'kwe ĩsxiisatxi' knay, txāa pa'gatey Dxus Espiritu' i'kwe'sx ũuste ũssa' thaakwe çxhāçxhasa' naa kiwete ĩsxiisawe'sx ũuste ũssameeçxa'. <sup>5</sup> Txāa ĩsxiisa' naa kiwetewe'sxta'. Txā'wēçxa'itx naa kiwetewe'sxçxáana pta'sxi', açá' nasa naa kiwetewe'sxa' nwēese'je'tx. <sup>6</sup> Nawa kwe'sxa' Dxus luuçxtha'w, açá' maawa Dxusna jiisa' kwe'sx pta'sxni's nwēese'je'tx. Nawa Dxus luuçxmeesa', kwe'sx pta'sxni's nwēese'je'çmeeta'. Kxah kwe'sxa' jiyu'nja'w kim Dxus Espiritu's isa ũuste ji'phtewa, txā'wēy kim kaypuba'jsatewa.

### Peeygāanisa' Dxus tasxuh yuja'

<sup>7</sup> Adx peeygāanisawe'sx, puutx ya'peeygāhna fxi'zewa'j ji'ptha'w, txāa pa'gatey peeygāhna fxi'zewa'ja's Dxusku pees naa pa'ga. Açá' maawa peeygāhna fxi'zesa' Dxus luuçxta' Dxusa's jiisa. <sup>8</sup> Dxusa' peeygāasa', açá' peeygāawa'ja's ji'phmeesa' Dxusa's jiimeesaçxa txā'wē yuuna. <sup>9</sup> Dxusa' kwe'sxtxi peeygāani's āate kaavxya'ja'kh txajx Nçxi'k teeççxáasanawa naa kiwete kaahçxa, txāa nwe'wete' pçumée ĩtxi fxi'zewa'ja's kwe'sx ji'phukah. <sup>10</sup> Na'wē yūunisaxáa peeygāani' yaase': Kwe'sxa' Dxusa's açesatewa, txāa yu' kwe'sxtxi peeygāhççak txajx Nçxi'k makwe teeççxáasatewa kwe'sx pkalpa'gate uuwa'jsa vxitçxa kaah.

<sup>11</sup> Adx peeygāanisawe'sx, Dxusa' txā'wē kwe'sxtxi peeygāhte', kwe'sxwa txā'wēy puutx ya'peeygāhna fxi'zewa'j ji'ptha'w. <sup>12</sup> Kim yuhwa Dxusa's

uysa yu' meetxna. Nawa kwe'sxa' puutx ya'peeygāhna fxi'ze'nja'w aça' txā'wē yūute!, Dxusa' kwe'sx ūuste nes yuuna, aç yuuçxāa kwe'sxwa txāa na'wēy ew peeygāasa yu'nja'w. <sup>13</sup>Kwe'sxa' Dxus yakh nes yuute!, txāawa txā'wēy kwe'sx ūuste nesku yu!, txāa pa'gafiçxāak txajx Espiritu's kwe'sx ūuste nvxiht. <sup>14</sup>Kwe'sxa' iuytha'w Dxusa' txajx Nçxi'ka's kaakh naa kiwete nasatx nwe'wekahn, txāasatha'w kwe'sxa' āate pta'sxi'. <sup>15</sup>Maawa Jesusa' Dxus Nçxi'ka' jīna we'wesa' txā' Dxus yakh ūssaçxa txā'jīna, aça' Dxuswa txajx ūuste nes yuuna.

<sup>16</sup>Āçxha' jiyutha'w Dxusa' kwe'sxtxi txakwe wala peeygāani's. Dxusa' peeygāasa', aça' maawa peeygāhna fxi'zesa', Dxus yakh fxi'zesa yuuna, aça' Dxuswa txāa yakh nes yuuna. <sup>17</sup>Txajuk kwe'sx peeygāawa'ja's isa jxukate ya'ji'phuna ya'pa'ja'. Txā'wē yūunijū' kastigāywa'j ente' ūukhme'nja'w, txāa pa'gatey naa kiwete kwe'sxa' Jesukristo na'wēy peeygāasa yu'nja'w naa pa'ga. <sup>18</sup>Dxus txakwe wala peeygāasa's çma'wē ūukhwa'j yuukx? txāa pa'gatey txajx peeygāanisa' kwe'sx ūukhni's jxuka ivxiitu'k. Aça' ūukhsa' kastigāywa'jne'tka sūhçxa ūukhuna, sa' txā'wē yaakxa' kwe'sxtxi Dxus txakwe wala peeygāani's açxa ew jiimeeçxa txā'wē ūukhuna.

<sup>19</sup>Dxus khuē'yku kwe'sxtxi peeygāh, txāa pa'gatha'w āçxha' kwe'sxwa Dxusa's peeygāja'. <sup>20</sup>Maawa Dxusa's peeygāja'th jīçxawa yakthē'ja's ahçena fxi'zesa', īsxiisa yuuna. Peekx yakthē'j uyna fxi'zenisa's ahçeçxa', çma'wē yūuçxa Dxus uynimeesa's peeygāja' ajakx? <sup>21</sup>Dxusa' na'wēk jxkaaja': Dxusa's peeygājaççxa', txā'wēy peekx yakthē'jnawa peeygāawa'ja' jī'k.

### Dxus luuçxa' ewmeesa's nwēese'jmée jxuka knayu'tx

**5** <sup>1</sup>Maawa Jesusa' Dxus tasxu yuusa Kristona sūhnaçxāa ūuste yaakxa', Dxus luuççxa txā'wē yaakina. Dxusnawa peeygājaççxa', Dxus luuçxtxiwa peeygāhna fxi'zewa'ja'. <sup>2</sup>Dxusa's peeygāhna txajx jxkaahnitxi' nwēese'jçxa', Dxus luuçxtxiwa peeygāasaçxa txā'wē yu'nja'w. <sup>3</sup>Dxusna peeygāani txā'wē txajx jxkaahnitx nwēese'jnisa'. Txajx jxkaahni' jxthaakwe yu' thēysameeta'. <sup>4</sup>Maawa Dxus luuçxa' naa kiwete ewmeesa's nwēese'jmée jxuka knayu'tx. Jesukristo's ūusuh jxuka yaakxpa'ga yuuçxāak naa kiwete ewmeesa's ya'knayu'. <sup>5</sup>Maawa Jesusa' Dxus Nçxi'kna sūhna ūusuh jxuka yaakxa yuuçxāa, naa kiwete ewmeesa's nwēese'jmée knayuutxna.

### Jesukristo' Dxus nçxi'ktewa kaajiyu'jsa' naata'

<sup>6</sup>Jesukristo naa kiwete kīisa' Dxus Nçxi'ktewa kaajiyu'jsa' naata': Yu'te bautisāyni vxite' kluuste uuni. Nawa yu'te bautisāynijūçxāa yu' açxaméek ew ya'jiyu', naasāa kluuste uuniisa yakh txāa e'z jwedsa yakh yuuçxāak isa ew ya'jiyu' Dxus Nçxi'ktewa. Txā'sa' Dxus Espirituk txā'jī'.

Txajx we'weni' isasata'. 7 Jesukristo' Dxus Nçxi'ktewa jiisa cielute' tekhta': Dxusa', vxite' Jesukristo' fiçxá', vxite' Dxus Espiritu'. Aça' txãa tekhsa' txãa na'wëçxaçxáatx we'we'. 8 Txã'wëy Jesukristo' Dxus Nçxi'ktewa jiisa naa kiwete' tekhta': Dxus Espiritu, vxite' yu'te bautisāynisa vxite' kluuste uuniisa. Aça' txãa tekhsa' txãa na'wëçxaçxáatx we'we'. 9 Piçthë'jwe'sx pta'sxniçxáa yuhnawa isa yuh we'wene' sūhnatha'w jxpa'ga'. Aça' Dxus we'weni' yu' wejx jxthaakwe isasa yuhna sūhna jxpa'gawa'j ji'ptha'w, txãa pa'gatey Dxus yuuk we'weçxa': Jesukristo' Adx Nçxi'ka' jī' naa pa'ga'. 10 Jesukristo' Dxus Nçxi'ka' sūhna fxi'zesa', Dxus Nçxi'ka's ūuste jxpa'gasaçxa txã'wë yaakina. Nawa Dxus we'weçxa': Jesukristo' Adx Nçxi'ka' jīni's maawa jxpa'gasame', Dxusa' i'sxiija'k jīsa yuuna, txã'wë Dxusa' isane' we'we' sūhmeçxa. 11 Jesukristo' Dxus Nçxi'ka' jīna we'weçxa', Dxusa' kwe'sxtxi' pçumée i'txi fxi'zewa'ja's peesku jīnisa', txãa yuuçxáa pçumée i'txi fxi'zewa'ja's ji'phsa' naa pa'ga'. 12 Txãa pa'ga maawa Dxus Nçxi'ka's ūuste jxpa'gasa', pçumée i'txi fxi'zewa'ja's ji'phsa yuutxna. Nawa Dxus Nçxi'ka's ūuste jxpa'gasame', pçumée i'txi fxi'zewa'ja's ji'phmeesa yuutxna.

### **Pkal perdon ji'phmeesawa ūsta'**

13 Dxus Nçxi'ka's ūuste jxpa'gasa', pçumée i'txi fxi'zewa'ja's ji'phne'tka'w sūhna jiyukahnthu i'kwe'sxtxi pta'sxna fxi'ja'. 14 Aça' txã'wë yaakxsatxi' Dxusa' pasu'k txajx jxthāasniçxá's pxtxaa we'wena pëjxte' txã'sa' ew jiitha'w. 15 Kwe'sx pxtxaa we'weni's Dxusa' wëse'jna ūstewa ma'wë ew jiitka'w txã'wëy kwe'sx pëyni's jxpa'gawa'ja'swa ew jiitha'w.

16 Yakthë'j pkalte fxi'zena ūstewa txãa pkala' perdon ji'phte uyçxa', maawa Dxusa's neewe'wewa'ja' txãa pkalsa pa'gate, aça' yakthë'j txã'wë fxi'zesa's Dxusa' i'txi fxi'zewa'ja's peesuna. Nawa pkal perdon ji'phmeesa ūsta' txã'wësate fxi'zena ūste yu', Dxusa's neewe'wewa'ja's jxkaja'çmeeth. 17 Kīhwa ewmée yūuni' pkalçxaçxáata', nawa perdon ji'phta'.

18 Kwe'sxa' jiitha'w maawa Dxus luuçx yā'ja' peena yu' pkalte fxi'ze'çme'. Txã'wë yūuwe'sxte Dxus Nçxi'ka' txajx kusetek jxaawu' eçxthë'j suwkahmén. Txãa pa'gak pkalte fxi'ze'çmée.

19 Kwe'sxa' Dxus luuçx yuhtha'w, nawa naa kiwete nasa jxukaysa Dxusna yajkxmée fxi'zesa' eçxthë'j kusetewe'sxta' txã'sa' jiitha'w.

20 Jiitha'w Dxus Nçxi'k naa kiwete kīhçxa', Dxus i'txisa's jiyuwa'ja's kwe'sxtxi ūsku. Txãa pa'ga Dxus i'txisa Nçxi'k Jesukristo yakh fxi'zena ūstha'w. Txãa Dxus i'txisa' bagaçxte yuhwa pçumée i'txi fxi'zewa'ja's kwe'sxtxi peessa'. 21 Adx luuçxwe'sx, mpa'yajkxwe dxusmeeçxá's yaakxni's.